

„Mitoc“. Հայք մաղձայուզէ մ'ազատելուն համար՝ 1848էն ի վեր ուխտ դրած ըլլալով՝ տարին երկու անգամ այնտեղ ուխտի կ'երթան թափօրաբար, այսինքն Օգոստ. 15/27ին (Հաւաք) եւ Գեկտ. 28ին, այն է՝ Ս. Յակոբայ տօնին: Այս եկեղեցւոյ մէջ ի պարտուց տարին երեք անգամ պատարագ կը մատուցուի, այն է՝ Վերափոխման, Վարդավառին եւ Յովակիմայ եւ Աննայի տօներուն:

Եկեղեցւոյս մէջ խորանին վրայ կայ Ս. Աստուածածնի մեծ պատկեր մը, — ինչպէս առ հասարակ Հայոց ամէն եկեղեցեաց մէջ այսպիսի պատկեր մը կ'ըլլայ, — որուն բուժիչ զօրութիւն մը կը տրուի. եւ այս պատճառաւ պատկերին վրայ կախուած է բազմութիւն մը ոսկեղէն եւ արծաթեղէն աչք, ախոյ, ախանջ, ոտք, ձեռք եւ այլն, զորոնք Ս. Աստուածածնի նուիրած են հիւանդք: Եկեղեցւոյ մէջտեղն արեւելեան ամէն եկեղեցեաց սովորական փայտեայ բեմն կը բարձրանայ, որուն վրայ կայ Բարթողիմէոս եւ Յակոբ սուրբ Առաքելոց պատկերներն՝ սլաւական արձանագրութեամբ. խորանին վերի կողմն պատկերներու որմոյն վրայ կան չորս Աւետարանիչք, իսկ խորանին զոնակներուն վրայ Ս. Ստեփանոս նախափկային եւ Ս. Լաւրենտիոս Սարկաւագին պատկերներն, ամէնն ալ առ հասարակ ումանական արձանագրութեամբ:

Եկեղեցւոյ դրան առջեւ՝ գաւթին մէջ կայ Գրիգոր Հայ եպիսկոպոսին շիրիմը: Այս տեղ